

**ՀԱՄԱՅՆՔԻ ՂԵԿԱՎԱՐԻ ՁԵԿՈՒՅՑԸ  
ԲՅՈՒՋԵՏԱՅԻՆ ՏԱՐՎԱ ՀԱՄԱՅՆՔԻ ԶԱՐԳԱՑՄԱՆ  
ՀԻՄՆԱԿԱՆ ՈՒՂՂՈՒԹՅՈՒՆՆԵՐԻ ՄԱՍԻՆ**

Համայնքի 2021 թվականի բյուջեն մշակվել է՝ հիմք ունենալով համայնքի 2017-2021թթ. ՀՀԶԾ-ն:

Համայնքի գործունեությունը մեծապես կախված է բյուջետային գործընթացի լավ կազմակերպումից, բյուջեի եկամուտների արդյունավետ հավաքագրումից և միջոցների խնայողական օգտագործումից:

- Գալիք բյուջետային տարվա համայնքի զարգացման հիմնական ուղղություններն են՝
- Բարելավել համայնքի ֆինանսական վիճակը՝ ճշտելով հողի հարկի ու գույքահարկի բազաները և բարձրացնելով սեփական եկամուտների հավաքագրման մակարդակը:
  - Բարձրացնել բնակչությանը մատուցվող համայնքային ծառայությունների մակարդակը և որակը:
  - Իրականացնել կրթության, մշակույթի ու սպորտի բնագավառների համայնքային ենթակառուցվածքների պահպանման, շահագործման, նորոգման, գույքային վերազինման և այլ աշխատանքներ:
  - Կապիտալ ներդրումներ կատարել համայնքի բնակարանային-կոմունալ տնտեսության, բարեկարգման և ճանապարհային տնտեսության, նախադպրոցական և արտադպրոցական կրթության բնագավառներում:
  - Աշխուժացնել համայնքի մշակութային, մարզական և հասարակական կյանքը:
  - Իրականացնել սոցիալական տարաբնույթ ծրագրեր:
  - և այլն:

Համայնքի 2021 թվականի զարգացման հիմնական ուղղությունները միտված են բնակչության կենսական շահերի ապահովմանը, շրջակա միջավայրի պահպանմանը, համայնքի հարմարավետ և բարեկեցիկ միջավայրի ստեղծմանը, համայնքային ենթակառուցվածքների արդիականացմանն ու զարգացմանը, ինչպես նաև քաղաքաշինական ծրագրերի իրականացմանը:

Համայնքի 2021 թվականի բյուջեի կազմման գործընթացում, հիմք ընդունելով նաև ՀՀ կառավարության 2021թ-ի պետական բյուջետային ուղերձում ամրագրված ուղղությունները, ներդրվել են գենդերային զգայուն բյուջետավորման մոտեցումներ ու տարրեր, որի համաձայն ՏԻՄ-երի գործունեության տարբեր ոլորտների (բաժինների) բյուջետային ծրագրերը, դրանց նպատակները, միջոցառումների նկարագրությունները և արդյունքային ցուցանիշները հիմնվում են նաև համայնքի գենդերային քաղաքականության ռազմավարության նպատակների, գերակայությունների, միջոցառումների և արդյունքների վրա:

Ես դիմում եմ համայնքի բնակիչներին, ավագանու անդամներին, համայնքային կազմակերպությունների աշխատակիցներին՝ շահագրգիռ մոտեցում ցուցաբերելու համայնքի 2021 թվականի բյուջեի միջոցների զոյացմանը, դրանց նպատակային օգտագործմանը, բյուջեի արդյունավետ կատարմանը և վերահսկմանը: